



Michael in Franconia honestis parentibus natus, & à pueris in omni genere literarum educatus est. Is cum prima fundamenta foeliciter iecisset, sese hinc inde ad varias Academias contulit, atque artium & linguarum studia egregie didicit. In primis autem Historiarum lectioni incubuit, & earum usum sibi familiarem reddidit. Postea quoque Iuris studia coniunxit, & talem sese praestitit, ut summa laude utriusque Iuris Doctor crearetur. Huic eruditioni accedebat morum castitas & docendi perspicuitas. Id cum scholarcha Argentinenses cognouissent, eum ad se uocarunt, atq; in celebri sua schola Historiarum professorem constituerunt. Eam functionem Michael modestè suscepit, & magno auditorum fructu administravit. Inter alia uerò studia ipse fastorum Romanorum siue Ephemeridos historiarum libros cōscripsit, atq; magna nominis existimatione edidit, cum quibusdam alijs huiusmodi. Hoc modo Beuterus etiamnum Argentinæ pergīt, & omnibus doctis passim suis uirtutibus in notescit. Io. Op.